

女科證治準繩卷之二

金壇王肯堂輯 門人新安閔承詔校

雜症門上

雜證男女一也此二卷方論出女科書多雜病書所遺故存之耳

虛勞

勞倦所傷用補中益氣湯證治乃暴病也失治而有發熱潮熱盜汗欬嗽諸證出焉謂之虛勞又復失治而有皮聚毛落飲食不為肌膚骨髓中熱經閉不行諸證出焉謂之瘵骨蒸熱至於傳尸之疾別自一種其源不起於勞欲其流或至於滅門余於雜病首冊則既條分而備列矣然男以精為主女以血為主其

致病既殊其施治亦異故應別著方法而陳氏良方分勞瘵骨蒸勞血風勞氣虛風勞冷勞熱勞客熱等門未免惑亂後人靡所適從今釐正如左醫後更參雜病虛勞傳尸勞二門而用之則無道少之患矣

初病大法

保治婦人虛勞局方中謂首尾六合如大

聖散熟地黃丸是治無熱虛勞也中道藥牡丹煎九空心食前人參荊芥散臨卧食後是治有熱虛勞也

戴有病後血虛者有本體血虛者其人往來寒熱或五心發熱言語無力面色痿黃頭目昏暈變生諸疾芎歸湯加羊肉少許或十全大補湯四物湯養榮

湯服之血虛而氣旺者宜抑氣湯即香附末

增損四物湯易簡方治婦人氣血不足四肢惰怠乏

力少氣兼治產後下血過多榮衛虛損陰陽不和

乍寒乍熱

當歸

川芎

人參

乾薑炮

甘草炙

白芍藥各等分

右咬咀每服四錢水壹盞煎至六分去滓熱服

六神湯御藥院方治脾氣不和榮衛不足怠惰困倦不

嗜飲食服之補養真氣進美飲食充澤肌膚

當歸

熟地黃

白芍藥

川芎

黃耆

地骨各六分

右爲麤末每服五錢水壹盞半煎至八分去滓空
心溫服

加減大建中湯

普濟

治婦人胎前產後一切虛損月

水不調臍腹疔痛往來寒熱自汗口乾煩渴

芍藥二兩

當歸

川芎

黃耆

桂各一兩

甘草炙

白朮各半錢

右爲末每服貳錢半水一盞半薑棗煎六分去滓

溫服食前

清氣湯齊普

治肌痛下瘦者陰衰陽盛也是氣弱而

血熱則外蒸肌內內蒸骨髓煩渴口乾煩赤頭疼
飲食無味心神驚悸肢體痠疼或時盜汗或時咳
嗽或月家斷絕或經極少俗謂血勞產後曰蓐勞
皮羸瘦之人與清氣湯羊乳丸治之

紫蘇子

盜味子

大腹子

枳殼

桑白皮微炒

菖蒲

地骨皮

白朮

柴胡

秦艽

獨活

乾葛

甘草炙各等分

右咬咀每服五錢水一盞入紫蘇七片烏枚一箇

煎至七分溫服

黃耆散 一名防風湯

治勞氣食後身疼倦夜間盜汗此

因失血榮衛損也

黃耆 壹兩

白芍藥

防風

當歸

乾地黄 各七錢五分

甘草 半兩

右咬咀每服五錢水一盞薑三片棗壹枚煎至七

分去滓溫服食前

四白散

治男子婦人血虛發熱夜多盜汗不進飲

食四肢羸瘦骨節拘攣脚痛不能行

黃耆

厚朴

益知仁

藿香

白朮

白扁豆

陳皮

各一兩

半夏

白茯苓

人參

白豆蔻仁

天台烏藥

甘草

各半兩

京南芍藥

檀香

沉香

各一兩

右為細末每服四錢水一盞薑二片棗一箇煎至

七分溫服

桔梗飲子

大全良方

治心氣不足解勞倦益血

黃耆

人參

麥門冬

苦梗

甘草

各一兩

青皮

半兩

右為父每服三錢水一盞煎至七分溫服

如聖散

大全良方

治婦人所稟血氣不足不耐寒暑易

胃疾傷月水不調久而心虛狀若心勞四肢倦怠
筋骨少力盜汗易驚或時不寧五心煩熱肌膚不
長間作頭昏飲食無味胸膈不利或產前產後受
病並可服之

北柴胡

白茯苓

甘草

熟地黃

人參

當歸

各一兩

鼈甲

胡黃連

沉香

知母 各半 兩

桑寄生

乾葛 各半 錢半

右爲細末每服貳錢水壹盞烏梅壹个棗貳枚麥門冬數粒煎至八分服無時

劫勞散 治心腎俱虛勞嗽二三聲無痰遇夜發熱

熱過卽冷時有盜汗四肢倦怠體劣黃瘦飲食減少夜卧恍惚神氣不寧睡多異夢此藥能治微嗽有唾唾中有紅線名曰肺痿失治便成羸劣之疾

白芍藥 陸兩

綿黃耆 密炙 肆兩

甘草 炙

人參 去蘆

當歸 去蘆 酒洗

半夏

白茯苓 去皮

熟地黃 洗淨 焙乾

五味子

虎勞五
阿膠各貳兩炒

右咬咀每服叁錢水壹盞生薑七片棗叁枚煎至九分溫服無時日三

筒骨煎

大全良方

治諸虛疾羸瘦乏力腰背引痛心煩

喘嗽唾膿嘔血頽涎壅盛睡卧有妨胸滿氣促夜多盜汗髮焦耳鳴皮寒骨熱一切五勞七傷骨蒸等候並皆療治

地骨皮

粉草

北柴胡

前胡

烏藥

麻黃

節不去

乾葛

青蒿

苦梗

知母

天仙藤

條黃芩

各壹兩

人參

生乾地黄

秦艽

鼈甲

黃耆

各半兩

右咬咀每服參錢水壹盞酒壹分豬筒骨壹莖炙焦分爲四服菝柳枝各七寸杏仁五粒去皮尖搥碎煎至七分去滓溫服加烏梅半箇尤妙 一方

加當歸芍藥

滋血湯

治婦人經候不通或血聚肢體麻木肌熱

身重倦怠少力將成勞瘵不可妄行破血宜滋養

閏利

見經閉

補中丸 余居士選方

治婦人虛損諸疾

白朮

地黃 各壹兩

川芎

白芍藥

當歸

黃耆

人參

皮 各半兩

右為細末煉蜜丸如梧桐子大每服五七十九溫水下

溫中丸 普濟

治衝任虛損血氣虧傷月水斷續來不

應期或多或少腹中疴痛不實寒熱煩壅咽燥舌

乾心神忪悸頭目眩暈肢體倦怠腰背引痛筋脉

拘急帶下赤白飲食進退或發寒熱

生地黃

生薑

三味各宜煎別碎各研汁將薑汁炒地黃洋却

地黃汁炒

生薑汁炒

白芍藥 二兩

人參 去芦

蒲黃 炒

當歸 酒洗

琥珀 另研

白茯苓 去皮

黃耆 蜜炙

延胡索 炒

麥門冬 去心

烏梅肉 焙各壹兩

右為末別用白艾葉壹觔水壹斗煎取濃汁熬成膏和前藥丸如梧桐子大每服五拾丸溫米飲下

空心食前

人參丸 十便良方

養陰生血補虛

人參

鹿角膠 炒

熟地黃

芍藥

當歸

白朮

川芎各等分

右為末煉蜜丸如梧桐子大每服三拾丸空心米

飲下

秘方十補丸 治婦人諸虛百損榮衛不調形體羸

瘦面黃背倦口苦舌乾心忪多汗血衰氣盛寒熱

往來一切血崩帶下墮胎落孕此藥皆治孕婦服

之尤有神効

熟乾地黄酒浸蒸過

肉蓯蓉酒浸

人參

綿黃耆去芦

川芎

當歸 去芦酒

白芍藥 洗

白茯苓 洗

白朮 去芦洗淨 甘草 炙各二兩 炙甘草 炙半

肉桂 去皮

右為細末用好酒調山藥末打糊為丸如梧桐子

大每服六七拾丸食前米湯或溫酒下

五聖丸 調益榮衛滋養氣血治衝任虛損月水不

調臍腹疝痛崩中漏下血瘕塊硬發渴疼痛妊娠

宿冷將理失宜胎動不安血下不上及產後乘虛

風寒內搏惡露不下結生瘕聚小腹堅痛時作寒

熱

當歸

川芎

白芍藥

虛勞

女科二

熟乾地黄

各壹兩

生乾地黄

二兩

右為細末酒煮麪糊為丸如梧桐子大每服六七

拾丸食前溫酒下

七補丸

十便良方

治婦人氣血虛弱衝任不和腹中經

結狀若懷孕月候尚來未分經脈宜服此方

當歸

芍藥

川芎

各叁分

白芷

白朮

熟地黄

阿膠

各二分

右為細末煉蜜丸如梧桐子大每服五六拾丸空

心米飲下

羊乳丸 治虛勞羸瘦

秦艽

柴胡

地骨皮

山茱萸肉

黃耆 蜜炙

地黃 酒浸蒸過 各等分

右為末煉蜜丸如梧桐子大每服五拾丸煎人參湯下不拘時候日進三服

人參鼈甲丸

普濟

治婦人一切虛損肌肉瘦瘁盜汗

心忪咳嗽上氣經脉不調或作寒熱不思飲食

杏仁

湯浸去皮尖炒

人參

當歸

赤芍藥

甘草 炙

柴胡

桔梗

去蘆各壹兩

地骨皮

宣黃連

去鬚

胡黃連

錢半

肉桂

去粗皮

木香

各半兩

麝香

另研半錢

鼈甲

壹枚重貳兩者醋炙黃色

右為細末用青蒿壹觔研爛絞汁童子小便五升

酒五升同熬至貳升久入真酥參兩白沙蜜參兩

再熬成膏冷方下眾藥末搜和令勻丸如梧桐子

大每服五十丸酒送下無時

艾煎丸

東垣

治婦人諸虛

北艾葉

大當歸

各貳兩

香附子

肆兩

右醋煮半日焙乾為末再用醋煮糊丸艾醋湯下

芪味丸

東垣

補虛敗

黃耆四兩 浸火炙鹽水 北五味二兩

右爲末 秫米糊丸 空心鹽酒下

無執虛勞 天婦人冷勞 屬血氣不足 臟腑虛寒 以致

臍下冷痛 手足時寒 月經失常 飲食不消 或時嘔吐 惡寒發熱 骨節痠疼 肌膚羸瘦 面色痿黃也 薛前

證有內外真寒 然有內外真熱 亦有內真熱而外假

寒者 又有內真寒而外假熱者 若飲食難化 大便不

實 腸鳴腹痛 飲食畏寒 手足逆冷 面黃嘔吐 畏見風

寒 此內外真寒之證也 宜用附子理中湯 以回楊八

味地黃丸 以壯火 若飲食如常 大便堅實 胸腹痞脹

飲食喜冷手足煩熱面赤嘔吐不畏風寒此內外真熱之證也宜用黃連解毒湯以消陰六味丸以壯水若飲食如常大便堅實胸腹痞脹飲食喜寒手足逆冷面黃嘔吐畏見風寒此內真熱而外假寒也亦用解毒湯六味丸若飲食少思大便不實吞酸噯氣胸腹痞滿手足逆冷面赤嘔吐畏見風寒此內真寒而外假熱也亦用附子理中湯與八味丸當求其屬而治之經曰益火之源以消陰翳壯水之主以制陽光使不知真水火之不足泛以寒熱藥治之則舊疾未去新中復生矣夫所謂屬者猶主也謂心腎也求其

屬也者言水火不足而求之於心腎也火之源者楊
氣之根卽心是也水之主者陰氣之根卽腎是也非
謂火爲心原爲肝水爲腎主爲肺也 一婦食少作
嘔口吐痰涎面黃腹痛月經不調手足逆冷此忠虛
俱寒之證以六君加附子木香治之而瘳 一婦忽
嘔吐酸水內熱作渴飲食不進惟喜冷水面色青赤
投之以藥入口卽吐此內外真熱之證積十餘日以
黃連一味煎湯飲之徐加白朮茯苓仍加陳皮當歸
炙甘草至月餘始進米飲稀粥調理而瘳 一婦內
熱作渴大便秘結畏惡風寒手足道冷此內真熱而

外假寒先用黃連解青湯後用六味丸而瘳 一婦
初患痰喘熱渴醫以降火散氣治之肌日削而氣日
索延至甲辰木旺痰盛身熱口腐腹脹神昏絕食幾
死此虛熱無火投以壯水生土之劑隨服隨効越數
歲夏初坐則頭墜不能起視卧則背冷覺風透體煩
熱暈眩咳嘔痰湧手足麻冷此內真寒外假熱之證
也遂以大補薑附之劑投之不三四服而大勢已平
仍以前藥加減而瘳 韓懋治其嫂年三十餘十八
胎九殞八夭會家難作驚憂過甚遂昏昏不省人事
口唇舌皆蒼或至封喉下部虛脫白帶如注如此四

十餘日或時少甦至欲自縊悲不能堪醫或投涼劑
解其上則下部疾愈甚或投熱劑及以湯藥熏蒸其
下則熱暈欲絕此亡陽證也急以鹽煮大附子九錢
爲君制以薄荷防風佐以薑桂芎歸之屬水煎入井
水冷與之未盡劑甦睡通宵覺卽能識人或曰此何
謂也曰方書有之假對假真對真爾上乃假熱故以
假冷之藥從之下乃真冷故以真熱之藥反之斯上
下和而病解矣繼以女金丹錯綜以三三方不但去
其疾且調治元氣無何連生二子

以上論及治驗有無當於虛勞者而

實治寒熱變通之大法不可不察也

大聖散 治婦人血海虛冷久無子息及產後敗

血衝心中風口噤子死腹中擘開口灌藥須臾生

下便得無恙治墮胎腹中攻刺疼痛橫生逆產胎

衣不下血運血癖血滯血崩血入四肢應血藏有

患及諸種風氣或傷寒吐逆欬嗽寒熱往來遍身

生瘡頭痛惡心經脉不調赤白帶下乳生惡氣胎

藏虛冷數會墮胎崩中不定因此成疾室女經脉

不通並宜服之常服煖子宮和血氣悅顏色退風

冷消除萬病兼療丈夫五勞七傷虛損等病

澤蘭葉

石膏 研各二兩

卷栢 去濕

白茯苓 去皮

防風 去蘆

厚朴 去蘆皮

細辛 去苗

栝子仁 微炒

桔梗

吳茱萸 湯洗七次焙

五味子 揀淨

人參

藁本 去苗

乾薑 炮

川椒 去目閉口者

白芷 微炒出汗

白木

川烏 苗

川烏 炮去皮臍

丹參 各三分

蕪荑 微炒赤

甘草 炙

川芎

芍藥

當歸 各一兩三分

白薇

阿膠 碎炒燥

肉桂 一兩一分

生乾地黃 一兩半

右爲細末每服貳錢空心臨卧熱酒調下若急疾

虛勞 女科 二
有患不拘時候日三服

渾身碎痛飲子 治婦人勞倦

虎骨 五斤

防風

藁本

甘草

白芷

茯苓 各二錢

當歸

芍藥

續斷

白朮

附子 各二斤

右為麤末薑棗煎服不拘時

十全大補湯治婦人冷 最妙方見雜病虛勞

當歸木香湯 治婦人血氣虛勞令人頭目昏眩語

聲沉重舌根強硬言語蹇澀口苦不食白日困睡

夜有虛汗神思恍惚夢寢驚悸面色痿黃頻發喘
嗽遍身疼痛脚氣走注四肢沉重背胛拘急時發
寒熱五心煩躁唇乾多渴胸膈不利咽喉噎塞
羸瘦弱經曰大脉爲勞宜服

當歸

青皮

五加皮

海桐皮

陳皮

丁皮

桑白皮

地骨皮

牡丹皮

棕櫚皮

燒存性
各一兩

赤芍藥

木香

各半
兩

右爲末每服壹錢水一盞入香油一二點古錢一
文洗同煎至七分不拘時溫服

熟乾地黄丸 方見前
通治門

木香丸 治婦人冷勞經脉不調臟腑氣滯四肢疼

痛飲食無味漸加羸瘦

木香

琥珀

吳茱萸 炮

當歸

牡丹皮

赤芍藥

三稜

附子 炮

延胡索

川芎 各三分

乾薑

人參

桂心 各半兩

北柴胡

白朮

鼈甲 醋煮去
裙炙

厚朴

熟地黄

陳橘皮 各一兩

右爲末煉蜜丸如梧桐子大每服叁拾丸空心温酒下

煮肝散

治婦人冷勞脾胃虛乏大腸轉洩水穀不

化四肢羸瘦口内生瘡不思飲食漸加無勞

北柴胡

宿砂仁

蔣蘿

藁撥各叁分

白朮

白芷

胡椒

白薑

陳皮

山茵陳

人參

燕窩仁

木香

紫苑

白芍藥

北細辛

桂心各半兩

右為細末以豬豬肝一具去脂膜切如柳葉片以
新汲水洗過入葱白叁寸細切入藥末半兩於鉢
內以新水貳大盞入鹽醋少許以瓷碗合煮令水
盡空心以意食之喫前飲下食後良久飲煖酒一
盞為妙晚食前熱服

硃砂煎丸 治婦人冷勞心腹積聚腹脇疼痛四肢
羸瘦不食

鼈甲 醋炙

菝仁 去皮尖

木香

五靈脂 去七石炒

當歸 各壹兩

硃砂 二兩醋一
并熬成膏

右為細末用硃砂膏為丸如梧桐子大空心溫酒

下貳拾九

此方礪砂太多不宜輕用

有熱虛勞 天婦人執勞困心肺壅熱傷於氣血以致

心神煩躁頰赤頭疼眼澀唇乾口舌生瘡神思昏倦
四肢壯熱飲食無味肢體痠疼心忪盜汗肌膚日瘦
或寒熱往來當審其所因調補氣血其病自瘳矣

薛前證乃壯火食氣虛火煎熬真陰之所致也王太
僕云如大寒而甚熱之不熱是無火也熱來復去晝
見夜伏夜發晝止是無火也當治其心如大熱而甚
寒之不寒是無水也熱動復止倏忽往來時動時止
是無水也當助其腎心盛則生熱腎盛則生寒腎虛

則寒動於中心虛則熱收於內竊謂前證若肝脾血
 虛用四物參朮肝脾鬱怒小柴胡合四物湯脾胃氣
 虛補中益氣湯肝脾血虛加味逍遙散肝經風熱加
 味小柴胡湯心經血虛天王補心丹肺經氣虛人參
 補肺湯肝經血虛加味四物湯大抵午前熱屬氣分
 用清心蓮子飲方見雜病赤白濁午後熱屬血分用四物湯
 參朮牡丹皮熱從左邊起肝火也實則四物湯龍膽
 山梔虛則四物參朮黃耆熱從臍下起陰火也四物
 參朮黃耆知母酒拌炒黑五味子麥門冬肉桂如不
 應急用加減八味丸不時而熱或無定處或從脚心

起此無根虛火也用加減八味丸及十全大補湯加
麥門五味主之 一婦經行不調飲食少思日晡熱
甚此肝脾氣血俱虛用十全大補加山茱萸山藥牡
丹皮麥門五味而瘡次年秋寒熱如瘧仍用前藥而
瘡 一婦生育多胎月經不調兩足發熱年餘其身
亦熱勞則足痠痛又年許唇腫裂痛又半年唇裂見
血形體瘦倦飲食無味月水不行此氣血俱衰之證
彼誤用通經丸等藥復傷氣血遂致不起

黃耆散

聖惠

治婦人熱勞羸瘦四肢煩疼心躁口乾

不欲飲食

人參

黃芩

當歸各柴錢半

北柴胡去皮壹兩半

黃耆

地骨皮

赤茯苓

麥門冬去心

生地黃

赤芍藥各壹兩

甘草炙壹錢半

右改咀每服四錢水壹盞薑五片煎六分去滓溫

服無時

逍遙散集

治血虛勞倦五心煩熱肢體疼痛頭目

昏重心忪頰赤口燥咽乾發熱盜汗減食嗜卧及

血熱相傳月水不調臍腹脹痛寒熱如瘧又主室

女血弱陰虛榮衛不和咳嗽潮熱肢體羸瘦漸成

骨蒸

白茯苓

白朮

去蘆

白芍藥

當歸

去蘆酒浸
半日微炒

北柴胡

去苗各
壹兩

甘草

炙壹
兩半

右劉散每服叁錢水壹盞半薑叁片麥門冬貳拾

粒去心煎服不拘時候 一方加知母地骨皮

一方薄荷湯下無門冬 一方名人參散治婦人

血熱虛勞骨蒸兼治邪熱客於經絡痰嗽煩躁頭

目昏痛夜多盜汗補真氣解勞倦用人參白朮茯

苓柴胡半夏當歸赤芍藥乾葛甘草黃芩各等分

咬咀每服四錢水壹盞半生薑五片棗貳箇煎至

六分不拘時候溫服應有勞熱之證皆可服之熱退卽止

子芩散

按

涼心肺解勞除熱使榮衛順血不絕

黃耆 壹兩

白芍藥

子芩

人參

白茯苓

麥門冬 去心

生乾地黄

各半兩

苦梗

貳錢半

右爲麤末先用竹葉壹握小麥柒拾粒水參壹盞

參片煎至壹盞半入藥末參錢重煎至七分去滓

溫服

知母散

聖惠

治婦人熱勞體瘦壯熱四肢煩疼咽喉

不利少思飲食

知母

黃芩 各藥 錢半

柴胡 去苗

生乾地黄 各一兩

赤芍藥

麥門冬 去心

射干

川升麻 各藥 錢半

甘草 半兩炙 微赤剉

右為麤散每服四錢水壹中盞入生薑半分淡竹

葉二拾柒片同煎至六分去滓不計時候温服

半夏散 全

治婦人熱勞煩渴口乾體瘦無力四肢

疼痛或時寒熱痰逆嘔吐不思飲食

半夏

知母

苦梗

人參

赤茯苓

秦朮

赤芍藥

麥門冬

烏梅肉各半兩

鱉甲醋炙

北柴胡

黃耆各兩

大腹皮米錢半

甘草二錢半

右為麤末每服四大錢水壹盞半生薑叁片煎至

七分去滓溫服無時

秦艽散大 治血經有熱月脉凝滯五心煩倦

麥門冬

秦艽各一兩

生地黃

當歸各半兩

地骨皮

鬱金

蘇木各二錢半

右為細末每服壹錢半水壹盃紅花少許同煎至

七分溫服若經脉調不用紅花葱酒與熱物此方

可服一年

鼈甲地黃湯補遺治熱勞手足煩心怔忡悸悶婦人

血室有乾血身體羸瘦不為肌肉

柴胡去蘆

當歸去芦酒浸

麥門冬去心

鼈甲醋炙

石斛

白朮

熟地黃酒浸

茯苓

秦艽去芦各二兩

人參

肉桂不見火

甘草炙各半兩

右剉每服四錢薑四片烏梅半箇煎溫服

胡黃連散聖惠

治婦人熱勞體瘦經脉不通四肢疼

痛口乾煩渴不得眠卧飲食全少

鼈甲

兩半醋炙黃去垢燥

天靈蓋

酥炙黃

柴胡

去蘆

生乾地黄

地骨皮

黃耆

剉

川大黃

一兩剉炒微

犀角屑

胡黃連

當歸

青蒿

黃芩

各半錢半

赤芍藥

木香

麝香

細研入各半兩

右為麤末每服四錢以水壹中盞八生薑壹錢叁分桃柳心各七葉煎至六分去滓不拘時溫服

犀角散

聖惠

治婦人熱勞心胸煩熱不思飲食四肢

多疼經閉澀帶

犀角屑

黃芩

甘草

炙微赤劉各半兩

赤芍藥

虎杖

茯苓

地骨皮

麥門冬

去心

當歸

枳殼

麩炒微黃各半錢半

柴胡

去苗

紅藍花

鼈甲

醋炙黃去裙襴各壹兩

右為麤散每服叁錢以水壹中盞入生薑半分煎

至六分去滓溫服無時

紅藍花散

聖惠

治婦人熱勞四肢羸瘦經脉不通

柴胡

壹兩半去苗

紅藍花

當歸

生乾地黄

赤芍藥

鬼箭羽

虎杖

大腹皮剉

麥門冬去

土瓜根

地骨皮

枳殼麩炒微黃去穰各壹兩

甘草炙微赤半兩

右為麤散每服四錢以水壹中盞入生薑半分煎

至六分去滓溫服無時

鼈甲散聖惠 治婦人熱勞發渴壯熱四肢煩疼漸漸

黃瘦心胸躁悶

鼈甲醋炙令黃去裙襴 柴胡去蘆各壹兩半

麥門冬去心壹兩

知母

川大黃剉碎微炒

地骨皮

赤芍藥

人參去蘆

黃芩

黃耆劉

桑根白皮

各柴錢半

甘草

炙微赤半兩

右為麤散每服四錢以水壹中盞入生薑半分蒸白五寸豉五十粒煎至六分去滓溫服無時

治婦人骨槽勞熱宮臟不調因感勞氣子母相傳邪

氣干心非時驚恐如人將捕戰慄不安

楊子建護命方

桑寄生半兩

人參

茯苓

鼈甲醋炙

柴胡去苗

獨活

天靈蓋酥炙黑色

川芎各貳錢半

沉香玖分

木香壹錢貳分半

右細杵羅為末每服叁錢水壹盞煎兩三沸急瀉

出空心忽非時和滓喫

豬肚丸

聖惠

治婦人熱勞羸瘦

北柴胡

赤茯苓

人參

黃耆

各壹兩

黃連

叁兩

地骨皮

木香

各半兩

菴仁

鼈甲

各壹兩半

右為細末用好嫩豬肚一枚淨洗將藥末入豬肚內以線縫合蒸令爛熟於砂盆內研如膏丸如梧桐子大食前粥飲下叁拾丸午食前再服

胡黃連丸

普濟

治婦人熱勞煩悶四肢黃瘦疼痛時

有咳嗽不欲飲食

胡黃連

知母

川升麻

玄參

人參

當歸

甘草炙微赤

檳榔

桔梗去蘆冬半兩

赤芍藥

犀角屑

地骨皮

茯苓

杏仁湯浸去皮尖雙仁麩炒微黃

紫苑洗去苗土

川大黃剉碎微炒

秦艽去苗

枳殼麩炒微黃去穰各茶錢半

柴胡去苗壹兩

麥門冬去心焙壹兩半 鼈甲貳兩醋炙黃去裙襴

右為末煉蜜和搗三二百杵丸如梧桐子大不計

時候以湯飲下叁拾丸

益母草煎丸治婦人熱勞煩悶四肢疼痛經脉

滯澀腹脇妨悶不欲飲食

益母草汁壹升

青蒿壹升

無灰酒壹升

生薑汁壹升

童子小便壹升

已上六味於銀器中以慢火熬成膏

柴胡去苗

麥門冬去心

赤芍藥

菝葜仁湯浸去皮尖雙仁麩炒微黃

生乾地黄

鬼箭羽各壹兩

鼈甲貳兩醋炙去裙襴

人參去蘆

琥珀研細

地骨皮

白朮

枳殼麩炒微黃去穰

桔梗去蘆

當歸各柒錢半

麝香貳錢半
細研

右為末用前膏子和搗三二百杵丸如梧桐子大
食前以溫水下參拾丸

青蒿丸聖惠治婦人熱勞咳嗽肌體消瘦心膈煩熱

夜多盜汗四肢痠痛食少無力

青蒿

杏仁湯浸去皮尖
雙仁麩炒黃

天靈蓋酥炙
黃

鼈甲

醋炙黃去裙
襴各壹兩半

天門冬

去心
焙

柴胡

去
苗

地骨皮

旋復花

紫苑

洗去
苗土

貝母

人參

去蘆

秦艽

去頭

葳蕤

黃耆

川大黃

剉微
炒

枳殼 麩炒微黃去穰各壹兩 甘草 炙微赤剉 龍膽草 半兩

朱砂 壹兩細研 麝香 半兩細研

右為末入研了藥令勻煉蜜和搗三五百杵丸如梧桐子大每以麥門冬湯下貳拾丸不計時候

鼈甲丸 普濟 治熱勞尤佳

河車 壹具治法詳見後條 鼈甲 醋炙壹兩

桔梗

白芍藥 大黃 煨

甘草

苦參 貝母

知母

秋石 豉心

草龍膽

黃藥子 莪朮

犀角屑

消石 各半

右為末以前膏子為丸湯使如前

雞蘇丸 按

治虛熱昏冒倦怠下虛上壅嗽血衄血

雞蘇葉 半觔

黃耆

苦梗 各半

防風

荆芥穗

生乾地黃 各一

甘草

川芎

甘菊花 各二錢半

真腦子 半錢

右為細末煉蜜丸如彈子大每服壹丸用麥門冬去心煎湯嚼下又治肺損吐血日漸乏力瘦弱行步不得喘嗽痰涎飲食不化或發寒熱小便赤澀

加車前子二錢半每服壹丸煎桑枝湯嚼下日可
六七服桑枝剉炒香每用水三盃煎至壹盃去滓
下藥

桑枝湯五勞六極七傷諸證治已見雜病虛勞門
茲不贅叙婦人致此多因經行胎產或飲食起居七
情重傷肝脾之所致又或失於調攝或過於攻伐而
成與男子治法稍有不同故彙集古今禁方專治婦
人者於此若欲窮其源流更當稽之彼籍
補虛治療疾得効方河車丸 治勞嗽一切勞瘵虛
損骨蒸等疾

河車一核初生男子者九良於長流水中
蕩洗血淨入磁器內重湯煮爛入藥

雪白茯苓兩半 揀參一兩 山藥二兩

右為細末入河車汁加麪糊為丸如梧子大以少

麩香末為衣每服參五拾丸米飲溫酒鹽湯送下

空心服嗽甚者五味子湯下

十全大補湯方見雜 治氣血虛熱加柴胡地骨皮秦

芫

補虛退熱潤燥黃耆丸聖 治婦人骨蒸煩熱四肢

羸瘦疼痛口乾心躁不得眠卧

黃耆 麥門冬去心 茯神

三六

北柴胡

甘草

生乾地黃各一兩

酸棗仁炒

郁李仁

杏仁去皮尖雙仁麩炒黃

枸杞子

人參去戶

黃芩各半錢半

百合

枳殼去穰麩炒

赤芍藥

知母

秦艽各半兩

鼈甲二兩製

右為細末煉蜜為丸如梧桐子大清粥吞下參拾

丸無時候

地黃煎丸類

解勞生肌進食活血養心

生地黄汁

杏仁汁

玉薑汁

藕汁各伍升

薄荷汁

鵝梨汁各一升

法酒 二升

沙蜜 四升

右慢火熬成膏入後藥

北柴胡 三兩

木香

人參

茯苓

山藥

栝子仁 去皮炒研

遠志肉

枳實 製炒

白朮 各一兩

秦艽

苦梗 各二兩

麝香 半兩研

熟地黃 洗焙酒蒸四兩

右為細末以前膏子和丸如梧子大食後甘草湯

下二參拾丸

改補兼施人參散 普濟

治婦人骨蒸勞身體壯執手

臂疼痛月水不通日漸瘦悴兩脅氣刺四肢羸弱
腹內塊生時有欬嗽不欲飲食

人參去芦

鼈甲醋炙黃去裙爛

柴胡去苗

地骨皮各三兩

羚羊角屑

赤茯苓

枳殼麩炒微黃去穰

牛膝去芦

貝母

栝樓根各二兩

知母一兩半

赤芍藥

苑仁湯浸去皮尖雙仁燹炒微黃各一兩

黃芩

當歸各柴錢伍分

右為細末每服半兩以獾豬肝一具用鹽醋葱白
各少許和煮空心食之後飲溫酒一盞

赤茯苓散聖

治婦人骨蒸及血勞等疾面色黃痛

四肢無力煩疼痰壅涕唾稠粘不思飲食

鼈甲製如前
二兩

赤茯苓

柴胡去苗

麥門冬去心

川大黃剉碎微炒
各一兩

人參去芦

木香

菀仁製如前

白朮

瞿麥

赤芍藥

當歸

半夏湯洗七遍去
滑各柒錢半

右為麤散每服四錢以水壹中盞入生薑半分煎

至六分去滓温服無時

攻積天門冬丸全

治伏連傳注腹中有堅鞮積氣

壅心胸作痺痛引脇背腕膈滿悶

鬼白

天門冬

去心各半錢半

巴豆

芥草

不蛀皂角

葉子雄黃

各二兩

右為細末煉蜜為丸如小豆大每服壹丸漸加至
參拾丸空心湯吞下臨卧一服常宜斟酌勿令

泄瀉忌鯉魚山豬蘆筍

破血劫痰麥煎散

類

汜少男室女骨蒸婦人血風

攻疰四肢心胸煩壅

赤茯苓

當歸

乾漆

生

鼈甲

醋炙

常山

大黃

煨

北柴胡

白朮

石膏

生乾地黄

各壹兩

甘草

兩半

右為細末每服貳錢水壹盞小麥五十粒煎食後
臨卧温服有虛汗加麻黃根壹兩東坡云在黃州
療骨蒸黃瘦口臭肌熱盜汗極効寶此方如希世
之珍

通經破血牡丹湯

普濟

治婦人骨蒸經脉不通漸增

瘦弱

牡丹皮

壹兩半

桂皮

去麤

木通

剉炒各壹兩

芍藥

土瓜根

各壹兩半

鼈甲

醋炙去裙襖貳兩

女科二
三九

桃仁製如前
壹兩

右麤搗篩每服五錢水壹盞半煎至壹盞去滓濕

服空心食後

鼈甲丸聖惠 治婦人骨蒸勞月水不通脇下癥癖往

往腹痛

鼈甲貳兩醋炙黃

士瓜根

桂心

京三稜

牡丹皮

牛膝去苗

川大黃剉碎微炒

訶梨勒皮

琥珀各壹兩細研

杏仁製壹兩

右為末煉蜜和擣三二百杵丸如梧桐子大不計

時候以菘仁湯下叁拾丸

清肺柴胡散聖惠

治婦人骨蒸勞熱咳嗽胸膈痰壅

腹脇妨悶不欲飲食

柴胡去苗

桑根白皮

麥門冬去心

赤茯苓各壹兩

川大黃剉碎微炒

枳殼剉炒去穢

百合

秦苑去苗

紫苑洗

黃芩

赤芍藥

知母

木通剉各半錢

半夏湯洗七遍去滑

甘草炙微赤各半兩

鼈甲醋炙貳兩

右為麤散每服叁錢以水壹中盞入生薑壹錢叁

分煎至六分去滓温服無時

涼劑黃連散聖惠

治婦人骨蒸勞熱四體昏沈背膊

疼痛面色痿黃漸漸無力

黃連去鬚

知母各壹兩

鼈甲醋炙貳兩

柴胡

木通各壹兩半

麥門冬去心

白朮

地骨皮

黃芩

犀角屑各柒錢半

龍膽去蘆

甘草炙微赤各半兩

右為麤散每服四錢以水壹中盞生薑壹錢太淡

竹葉貳七片煎至六分去滓温服無時

青蒿散聖惠

治婦人骨蒸勞熱四肢煩疼日漸羸瘦

青蒿

鼈甲

醋炙各貳兩

柴胡

去苗土壹兩半

黃連

去鬚

黃耆

桑根白皮

白朮

各壹兩

梔子仁

知母

各柒錢半

地骨皮

甘草

炙微赤各半兩

龍膽草

土去蘆壹錢半

右為麤散每服四錢以水壹中盞入生薑壹錢參

分煎至六分去滓溫服無時

豬肚丸

類

治骨蒸勞唇頰赤氣麤口乾壯熱虛汗

大腸祕澀小便赤黃減食

青蒿

鼈甲

醋炙

北柴胡

木香

生乾地黃

各壹兩

青皮

半兩

宣連 貳兩

右為細末以豬肚壹箇洗淨入藥在內縛定蒸令極軟研如泥為丸如菘豆大湯下拾五丸空心日三服忌濕麪毒物

石膏散

靈苑

治女人骨蒸外寒內熱附骨蒸盛之時

四肢微瘦足跌腫者病在臟腑中

真石膏不以多少研極細每用新汲水和服方寸匕取身無熱為度 此方非實熱能食大便實者不可服

寒熱並用青蒿鼈甲煎丸

聖濟

治婦人骨蒸勞退熱

解肌進食

九肋鼈甲

壹箇

北柴胡

貳兩

甘草

杏仁

桔梗

當歸

人參

地骨皮

赤芍藥

各壹兩

胡黃連

宣連

各貳錢半

官桂

木香

各半兩

麝香

壹字

酥

蜜

各叁兩

右爲細末用青蒿壹觔童子小便五升好酒壹升熬青蒿汁約貳升已來攪去青蒿不用入酥蜜再熬成膏冷後入藥末搜和爲丸如梧桐子大每服

十五丸溫酒下米飲亦得日三服如秋後合再入

桃柳枝七莖此藥甚妙即局方人參鼈甲丸也

傳尸天靈蓋散聖惠治婦人骨蒸勞四肢無力每至

晚間即熱兩頰紅色飲食不心神煩躁

天靈蓋酥炙安息香地骨皮

當歸人參去蘆山梔子仁

貝母去心黃連桃仁去皮尖雙

檳榔各壹兩鼈甲醋炙北柴胡

生乾地黄赤茯苓麥門冬各壹兩半

阿魏半兩

右為齋末以童子小便一大盞桃柳枝各七寸十

五片葱白五寸藥四錢煎至七分去滓溫服

益母草丸 昔齊

治婦人骨蒸勞瘦月候不通心神煩

熱四肢疼痛不能飲食

益母草

青蒿 各二

桃枝一握長

柳枝一握長

已上四味細剉用童子小便壹斗於銀鍋中煎至

參升絞去滓煎成膏

柴胡 去苗

赤芍藥

犀角屑 各二

朱砂 一兩細研

天靈蓋 酥炙

木香

甘草 各一兩

鼈甲 參兩

杏仁 伍兩

麝香 半兩

右為末用益母草煎都和擣五七百杵丸如梧桐

子大每以烏梅甘草湯下參拾丸無時

肝丸 聖惠 治婦人骨蒸勞熱體瘦煩疼不欲飲食

獺肝 一具

鼈甲 醋炙

北柴胡 各一兩半

川升麻

桃仁 製

天靈蓋 酥炙

犀角屑

梔子仁

地骨皮

知母 各一兩

黃耆 朱錢

甘草 半兩

麝香 二錢半

朱砂 一兩

右為細末煉蜜丸如梧桐子大溫水下三十丸無

時

殺鬼方聖惠

治婦人骨蒸傳尸勞瘦鬼氣伏連

麝香朱錢半

犀角屑

木香

白木

鬼箭羽各一兩

虎頭骨酥炙黃色

天靈蓋醋炙黃

桃仁去皮尖雙仁麩炒黃

雄黃另研

朱砂光明者另研各一兩半

右為細末入研了藥和勻煉蜜丸如梧桐子大溫

水下三十丸此藥辟瘟疫亦可帶

正嗽溫金散類永

治勞嗽

甘草

黃芩

桑白皮

防風

各二兩

杏仁

二拾枚製

人參

茯神

各半兩

麥門冬

一分

右前五味以米泔浸一宿曬乾次入人參茯神麥門冬三味同為細末每服二錢水壹盃蠟壹豆大煎八分食後溫服

煎八分食後溫服

一方

調榮衛消瘀血出穀音治痰嗽

當歸

牡丹皮

白芍

子芩

木通

麥門冬

甘草

細辛

各半兩

生乾地黃

右咬咀每服參錢薑參片水煎溫服

一方類永

治肌瘦咯血肺痿等疾

蛤蚧

壹雙全者酒浸一宿酥炙

知母

貝母

去心

人參

甘草

杏仁

製炒

枇杷葉

去毛炒

鹿角膠

炒各壹兩

右為細末每服參錢水壹盞入桑白皮溫服

補肺湯

類永

治勞嗽

桑白皮

熟地黄

各貳兩

人參

紫苑

黃耆

五味子

各壹兩

右為細末每服貳錢水壹盞入蜜少許食後溫服

四君子湯加秦艽黃蠟煎服九妙

治胸痺一方類永 治心胸積氣作胸痺引兩脇痛昏

悶不收音聲不清虛熱上壅作鼻衄

桑白皮參分

枳殼

木通

干芩

生乾地黄

白芍藥

甘草各半兩

右為麤末每服參錢水煎食後溫服

一方類永 治伏瘀血在心肺時作衄心胸徹背痛

白芍藥

牡丹皮各壹兩

生犀屑半兩

生地黄參兩別搗

右咬咀每服半兩水煎溫服

瓜蒌湯類永治胸痺

瓜蒌壹箇

枳殼肆枚

厚朴

薤白各壹兩

桂枝壹兩有熱者除

石咬咀水煎溫服

一方類永治積氣堅硬作氣噎胸脇引背痛

白芍藥壹兩半

鼈甲醋炙

枳殼製

北柴胡各壹兩

甘草

赤茯苓各半兩

右咬咀每服叁錢生薑叁片棗壹枚水煎溫服

出聲 一方類永 治失聲音

訶子肉

木通各壹兩

甘草半兩

右咬咀水參升煎至升半人生地黄壹合再煎數沸放溫分六服食後日作半料

治喉痛一方類咽喉痛

百藥煎去黑皮

硼砂

甘草

生白礬各等分

右為細末每服壹錢食後米飲調細細呷嚥

已上諸方辰陽李倅傳屢救人甚効服藥止可食

淡煮豬蹄肉仍須煮熟肉去元汁再以白湯熟煮

仍忌房勞生冷魚腥鹹醃藏等修合煎藥忌一切

生人男女猫犬雞畜見仍不令病人知藥味大雨
効

血風勞 大婦人血風勞證因氣悃素虛經候不調或
外傷風邪內挾宿冷致使陰陽不和經絡痞澀腹中
堅痛四肢痠疼月水或斷或來面色痿黃羸瘦又有
因產後未滿百日不謹將護臟腑虛損百脉枯竭遂
致勞損久不瘥則變寒熱休作有時飲食減少肌膚
瘦瘁遇經水當至卽頭目昏眩胸背拘急四肢疼痛
身體煩熱足重面浮或經水不通故謂之血風勞氣
也

薛東垣云喜怒不節起居失時有所勞傷皆損

其氣氣衰則火旺火旺則乘其脾土脾主四肢故困
熱懶言動作喘乏表熱自汗心煩不安當病之時宜
安心靜坐存養其氣以甘寒瀉其熱氣以酸味收其
散氣以甘溫補其中氣經言勞者溫之損者溫之要
略云平人脉大爲勞以黃耆建中湯治之 一婦人
勞則足跟熱痛以水三陰血虛用聖愈湯而痊後徧
身瘙癢誤服風邪藥抽搐肝脉洪數此肝家血虛
火盛而生風以天竺黃膽星爲丸用四物麥門五味
苓連炙甘草山梔柴胡煎送而瘳 一婦素清苦勤
於女工因感風邪自用表散之劑友朝寒暮熱自汗

盜汗形氣虛甚其脉或浮洪或微細其面或青白或
痿黃此邪去而氣血愈虛也用十全大補湯二十餘
劑漸愈又用加味逍遙散兼治半載而痊

人參荆芥散

大方

治婦人血風發熱身體疼痛頭

昏日澀心忪煩倦寒熱盜汗頰赤口乾痰嗽胸滿
精神不爽或月水不調臍腹疴痛痲痺塊硬疼痛
發歇或時嘔逆飲食不進或因產將理失節淹延
瘦瘁乍起乍卧甚即着床

人參

荆芥穗

生乾地黄

北柴胡

鼈甲 醋炙

酸棗仁 炒

枳殼製

羚羊角別劬

白木各柒錢半

桂心

甘草

防風

川芎

當歸各半兩

右爲麤末每服五錢水壹盞半生薑叁片煎至八

分去滓熱服無時

地骨皮散大全良方

治婦人血風氣體虛弱寒熱發渴

地骨皮

桑白皮

枳殼

前胡

黃耆各壹錢半

白茯苓

五加皮

白芍藥

人參各壹錢

柴胡貳錢

官桂

甘草各半錢

右作壹服水貳鍾生薑參片煎至壹鍾不拘時服

地黃煎大良全方

治婦人血風勞心忪發熱不退

生乾地黃

熟乾地黃

右等分爲細末用生薑自然汁和水打糊爲丸如梧桐子大每服叁拾丸用地黃湯下或只茶酒醋湯下亦可食後日三服覺臟腑虛冷早間先服八味丸一服不可謂地黃性冷沮洳壞脾大槩陰虛則發熱蓋地黃大能補陰益陰血退熱也 薛云前方肝脾血虛發熱內熱晡熱盜汗作渴體倦筋骨疼痛筋脉拘攣血虛發躁虛熱生痰咳嗽之良

劑若因肝脾腎精血燥熱生痰胸膈痞滿喘咳作渴及一切虛火證必用六味丸為主

乞力伽散

大全良方

治血虛肌熱又治小兒脾虛蒸熱

羸瘦不能飲食

白朮

白芍藥

白茯苓

各壹兩

甘草

半兩

右為細末薑棗煎參錢服

大効油煎散

大全良方

治血風勞氣攻疰四肢腰背疼

痛嘔逆醋心不思飲食日漸羸瘦面色痿黃手足

麻痺血海冷敗神効

五加皮

川烏炮

芍藥

海桐皮

牡丹皮

桂心

乾薑

川芎

各半兩

右爲細末每服貳錢水壹盞生麻油浸錢壹文同煎至六分溫服常服以油浸貳錢煎藥時不可攪

喫藥時不可吹

治血風勞方大良全方

牡丹皮

地骨皮

防風

甘草

黑豆

白芷

白芍藥

各壹兩

荆芥穗

貳兩

川芎

貳錢半

右為細末每服貳錢水壹中盞薑叁片棗壹箇葱

白壹寸煎至八分溫服無時

馬鞭草散良於治血風攻透肢體疼痛或覺癢癢

或覺痺作寒作熱飲食減味

馬鞭草去梗

荆芥穗

北柴胡

烏梅肉各貳兩

枳殼

白朮

羌活

白芍藥各壹兩

秦艽

天台烏藥

麻黃各壹兩半

木香半兩

當歸

川烏炮

甘草各壹兩

右為細末每服叁錢水壹盞生薑叁片棗壹枚葱

白貳寸煎至七分日午臨臣溫服常服無忌有孕

勿服

琥珀散聖惠

治婦人血風勞氣臍腹疼痛經脉不調

漸加羸瘦

琥珀細研

白木

當歸

桃仁去皮尖
麩炒

赤芍藥各柴
錢半

柴胡去苗

鼈甲醋炙各
一兩

延胡索

紅花子

牡丹皮

桂心各半
兩

右為散每服四錢水壹中盞入生薑半分煎至六

分去滓食前稍熱服

茯神散聖惠 治婦人血風勞氣頭目赤胸背氣壅四

肢疼痛心煩驚悸少欲飲食

柴胡去苗

石膏各貳兩

茯神

羚羊角

防風去蘆

赤芍藥

人參去蘆

天門冬去心

獨活

郁李仁去皮微炒

生乾地黄

枳殼麩炒去穰各壹兩

甘草炙半兩

桃仁湯浸去皮尖雙仁麩炒黃研如泥一兩半

右為散每服四錢以水壹中盞入生薑半分煎至

六分去滓溫服無時

逍遙散神方萬

治血風勞解五心煩躁心多怔忡

恍惚憂懼頭目昏重夜多盜汗

人參

白茯苓 去皮

柴胡 去苗

白木

黃耆

右各等分爲散每服參錢入甘草一寸同煎六分

溫服

熟乾地黄散 神巧方 全方

治婦人血風勞冷氣攻心腹

疼痛四肢不和食減少日漸羸瘦

熟乾地黄

柴胡

黃耆

蒼朮

牛膝 去苗各壹兩

鼈甲 醋炙黃貳兩

白芍藥

當歸

薑黃

虛勞

女科二

琥珀

厚朴

去皮薑汁塗炙

川芎

陳橘皮

去白各柒半

木香

桂心

羌活

各半兩

右為散每服四錢以水壹中盞生薑半分煎六分

熱服

琥珀丸

博濟方

治血風虛勞上熱下冷或發動即心

中煩躁困乏無力不美飲食醋心口瘡月水不調

肌肉黃瘁腹痛腸鳴或有氣塊攻衝或時作寒熱

頭旋痰逆手足麻痺大宜常服

琥珀

當歸

木香

荊芥

防風

檳榔 各一兩

三稜 炮

乾薑 炮

桂心 各一兩
二兩半

吳白朮 洗

柴胡

人參 各半兩

青皮

吳茱萸 洗炮

全蝎 炒

附子 炮

草豆蔻

赤芍藥

栝葉

白芷

天麻 各七
半

桃仁 去皮尖
麩炒

敗龜甲 醋炙

鼈甲 醋炙各
一兩半

右為細末煉蜜丸如梧桐子大每日空心酒下

拾丸午前近晚更進一服如覺煖近晚不須服如

腹內塊積攻築於鼈甲桃仁檳榔三稜各加一倍

為妙忌生冷葱蒜菜毒魚等物

鼈甲丸 大全良方

治婦人血風勞氣四肢羸瘦疼痛經

脈不利飲食無味漸加虛困

鼈甲

紫苑

桂心

川芎

防風

川牛膝

當歸

秦苑

人參

桃仁

琥珀 各一兩

黃耆

赤芍藥

蟲蟲 製

水蛭 製

鬼箭羽

白朮

羌活 各七手五分

熟地黃 一兩

鹿茸 二千

右為細末煉蜜丸如梧桐子大空心食前溫酒下

參拾丸

牡丹丸 聖濟總錄

治婦人血風勞氣氣塊攻心日漸黃

瘦經脉不行

牡丹皮

郁李仁

湯浸去皮各二兩

芍藥

當歸

芎藭

桂心

苦參

大黃

醋炒各一兩

貝母

半兩

右為細末煉蜜丸如梧桐子大每服貳拾丸食前

溫酒下日二

柴胡丸 聖濟

治婦人血風勞氣頭目昏眩胸背拘急

四肢痠疼心躁煩熱氣滿腹脹腰膝無力經脉不

調

柴胡去苗

黃連去鬚

知母焙

赤芍藥

龍膽

黃芩去苗

地骨皮

麥門冬去心

茯神去木

甘草炙各一兩

檳榔七手半

右為末煉蜜丸如梧桐子大每服二拾丸溫酒下

無時

客熱

大客熱者因體虛而將溫過度外熱加之非臟腑自
生故云客熱其狀上焦胸膈之間虛熱口燥心煩手
足壯熱者是也 薛前證若客邪所侵用補中益氣

加川芎防風 肝虛血少六味地黄丸 胃火飲冷

不氏瀉黃散 胃虛飲湯七味白朮散 潮熱時熱

八珍湯 晡熱內熱逍遙散 發熱體倦補中益氣

湯 恚怒發熱小柴胡湯 鬱怒發熱加味歸脾湯

寅卯酉戌時熱升陽益陰湯

大麥門冬散 治婦人客熱四肢煩悶疼痛飲食不

下

麥門冬

赤茯苓

赤芍藥

柴胡

各一
半

桑白皮

生地黄

黃耆

羚羊角屑

甘草

半斤

右作一服水貳鍾生薑參片煎至壹鍾不拘時服

犀角散 治婦人客熱四肢煩悶疼痛飲食不下

犀角屑

赤芍藥

地骨皮

赤茯苓

紅花

人參

枳殼

麥門冬

柴胡

黃耆

二斤
半

甘草

半斤

各一
斤

二斤

右作一服水貳鍾生薑三片煎至壹鍾不拘時服
黃耆飲 治婦人客熱心胸壅悶肢節煩疼不思飲
食

黃耆

生地黄

各二

人參

茯苓

犀角屑

瓜蒌仁

黃芩

各一

甘草

半斤

右作一服水貳鍾淡竹葉五片煎至壹鍾不拘時
服

丹砂散

治婦人客熱心神煩躁口乾舌澀飲食無

味

丹砂一兩細研

犀角屑

天竺黃

胡黃連各半

麥門冬去心焙

寒水石細研

馬牙硝細研各一分

鉛霜半兩細研

右為細末入研了藥和勻每以竹葉湯調下一

無時

玉霜散 治婦人客熱煩渴頭痛痰涌如

石膏二兩細研 寒水石一兩細研

右和勻每以生地黄汁調下壹錢無時

生乾地黄丸 治婦人客熱面赤頭疼口舌生瘡心

胸煩壅飲食無味

生乾地黄 一两 羚羊角屑

白蘚皮

歲時各半

黃連去鬚

黃耆炙微赤

麥門冬二兩 去心 焙

玄參

犀角屑

地骨皮

甘草炙微赤

川大黃 一两

右為細末煉蜜和搗二三百杵丸如梧桐子大每以溫水下參拾丸無時

取毒散 治婦人客熱四肢煩悶疼痛不思飲食甚

者可加地骨皮黃芩

方見雜

以盛水寸

以盛水寸

以盛水寸

以盛水寸

以盛水寸

以盛水寸

以盛水寸

以盛水寸

以盛水寸

寒熱部尼寡婦附

天經曰陽不足則先寒後熱陰不足則先熱後寒皆由勞傷氣血陰陽不調寒熱如瘡也當分氣血虛實而治之 薛前症若寸口脉微名曰陽不足則陰氣上入於陽中用補中益氣湯若尺部脉弱名曰陰不足則陽氣下陷入陰中用益陰腎氣丸若因氣血俱虛用八珍湯若因怒動肝火用小柴胡湯若陰陽俱不足則氣血不歸其本部以致寒熱交爭也一婦人年六十有四久鬱怒頭痛寒熱春間乳內時痛服流氣飲之類益甚時有血如經行又大驚恐飲食不進

夜寐不寧兩乳腫脹兩脇炊痛午後色赤余以為肝
 脾鬱怒火燥先以逍遙散加酒炒黑龍膽一錢山梔
 一錢五分服二劑腫痛頓愈又二劑全愈再用歸脾
 湯加炒梔貝母諸症悉愈

天地骨皮散 治血風氣虛時作寒熱或晡熱內熱

柴胡

地骨皮

各一兩

桑白皮

炒

枳殼

麩炒

前胡

黃耆

炒各七
下伍分

白茯苓

五加皮

人參

甘草

桂心

白芍藥

各半

右咬咀每服參五錢

一棗華生薑三片煎至七

分溫張

生地黄散

治婦人血氣不調或時寒熱體痛不思

飲食

生乾地黄

北柴胡各一兩

羌活

木香

桂心

防風各半兩

酸棗仁炒研

羚羊角屑

白芍藥

白朮

黃耆

川牛膝

白茯苓

當歸

枳殼各七分五分

右咬咀每服參五錢水壹盞薑參片煎至七分去

滓空心溫服

異功散 治婦人血氣虛冷時發刺痛頭目昏悶四肢無力寒熱往來狀似勞倦並宜服之

烏藥

川芎

苦梗

玄胡索

當歸

陳皮

各一
手半

官桂

牡丹皮

芍藥

白芷

乾薑

各一
手

右作一服用水貳鍾生薑三片煎至壹鍾入酒半盞再煎一二沸不拘時

右三方內有桂唯寒多者宜之第二方無滯氣汚血尤不宜服

治寒熱往來

防風 去蘆

知母

生地黄 各半兩

柴胡 去蘆

秦艽

甘草 炙

前胡 去蘆各半

右咬咀每服五升水一盞半加入參參寸煎至七

分熱服

柴胡散 治婦人寒熱體瘦肢節疼痛口乾心煩不

欲飲食

北柴胡

赤茯苓

黃耆

白朮 各一升

麥門冬 三升

鼈甲 醋炙二升

人參

地骨皮

枳殼 麩炒

生地黃

桑白皮

赤芍藥

桔梗

甘草 各半下

右作一服水貳鍾生薑參片煎至壹鍾不拘時服

桃仁丸 治婦人頭目昏重心神煩悶或時寒熱肢

節疼痛不欲飲食

桃仁 湯浸去皮尖雙仁麩炒微黃

芎藭

白朮

柴胡 去苗

人參 去芦

生地黃

酸棗仁 微炒各一兩

赤茯苓

訶黎勒皮 各七手半

枳殼 麩炒微黃去穢

赤芍藥 各半兩

心為末煉蜜和搗三百杵丸如梧桐子大每以
生薑荆芥薄荷湯下每拾丸

青蒿散 治男子婦人肢體倦疼虛勞寒熱用青蒿
八九月間將成實時採去枝梗以蒿用童子小便
浸三日曬乾為末每服貳錢烏梅壹箇煎至七分
服

右三方熱多者宜之

師尼寡婦吳子... 羅劉宋褚澄療師尼寡婦

別製方者蓋有謂也此二種寡居獨陰無陽慾心萌
而多不遂是以陰陽交爭乍寒乍熱全類溫瘧久則

為勞嘗讀史記倉公傳載濟北王侍人韓女病腰背
 痛寒熱眾醫皆以為寒熱病治之不瘥倉公曰此病
 得之欲男子不可得也眾曰何以知欲男子不可得
 倉公曰診其脉肝脉弦出寸口是以知之蓋男子以
 精為主婦人以血為主男子精盛以思室婦人血盛
 以懷胎夫肝攝血者也是厥陰肝脉弦出寸口上魚
 際則陰盛可知故知褚氏之言信有謂矣

因師尼寡婦與室女出嫁愆期者多因欲心萌而不
 遂慊慊成病乍寒乍熱久則為勞又有經閉白淫痰
 逆頭風膈氣痞悶面黧瘦瘠等證皆寡婦之病也

證前證若肝脈弦出魚際用小柴胡加生地黄送下
生地黄丸久而血虛佐以四物湯 若兼怒動肝火
而寒熱者佐以加味逍遙散 若兼虧損肝經而寒
熱者佐以八珍湯 若兼虧損元氣而寒熱者佐以
補中益氣湯 若兼鬱傷脾氣而寒熱者佐以濟生
歸脾湯 一婦人因夫經商久不歸發寒熱月經旬
日方止服降火涼血藥及潮熱內熱自汗盜汗月經
頻數余曰熱汗氣血虛也經頻肝脾虛也用歸脾湯
六味丸而愈嘗治兼證既愈而寒熱不衰當仍用本
證藥 一婦人年三十有七早孀居兩腿骨作痛哺

熱體倦月經不調或發寒熱數年矣一日頸項兩側
結核兩脇脹痛此係肝經鬱火而成也先用小柴胡
湯合四物數劑肝症頓愈又用加味道遙散加澤蘭
乳香沒藥三十劑血症漸痊再用加味歸脾湯年餘
而安 一孀婦兩腿作痛或用除濕化痰等藥遍身
作痛而無定處此血症也不信乃服流氣飲之類而
效 一放出宮人年四十餘臀腿內股作痛晡熱口
乾月經不調此係肝經血少不能養經絡而然也宜
加味道遙散加澤蘭葉五十帖諸症稍緩又以歸脾
湯二百餘劑而痊 一放出宮人臀腿腫痛內熱晡

熱惡寒體倦咳嗽胸痞月經過期而少彼以爲氣毒
流注服清熱理氣之劑益甚此肝經瘀血停留所致
蓋肝經上貫鬲布脇肋循喉嚨下循膈內贍繞陰器
抵少腹主治之法但當補其所不勝而制其所勝補
者脾也制者肝也經曰虛卽補之實則瀉之此定法
也彼不信仍服前藥遂致不起

〔本〕生地黃丸

許學士治一尼患惡風體倦乍寒乍

熱面赤心悸或時自汗是時疫氣大行醫見其寒
熱作傷寒治之用大小柴胡湯雜進數日病急召
予診之三部無寒邪脉但厥陰弦長而上魚際宜

服抑陰等藥故製此方

生地黄 貳兩

柴胡

秦艽

黃芩 各半兩

芍藥 壹兩

右爲細末煉蜜丸如桐子大每服參拾丸用烏梅湯吞下日三服不拘時

惡寒

大婦人惡寒者亦有陰陽二證發熱而惡寒者發於陽也無熱而惡寒者發於陰也發於陽者宜解表脉必浮數發於陰者宜溫裏脉必沉細又有汗後利後惡寒及背惡寒已上疾證方治並載百間不復繁引僕嘗治一婦人但惡寒別無他證六脉平靜遂用敗毒散而安此藥能去表中風邪故也經云惡寒家慎不可過當覆衣被及近火氣寒熱相薄脉道沉伏愈令病人寒不可過但去被撤火兼以和表之藥自然不惡寒矣婦人惡寒尤不可近火寒氣入腹血室結

聚針藥所不能治矣

薛前證若怠惰嗜卧洒淅惡

寒乃陽不能伸發用升陽益胃湯若勞傷形氣而惡
寒乃無陽以護衛用補中益氣湯若飲食傷脾胃而
惡寒乃元氣虛損用六君子湯若加煩躁妄言或欲
飲水仍進前劑但加薑桂若體倦煩渴頭痛自汗用
補中益氣湯加五味麥門東垣云晝則發熱惡寒是
陰氣上溢於陽分也夜則惡寒是陰血自旺於陰分
也海藏云六月大熱之氣反得大寒之證當捨時從
證治以薑桂之類丹溪云久病惡寒乃痰鬱於脾抑
遏陽氣不得外泄治當解鬱

中風

藥隱云婦人中風角弓反張風痺手足不隨偏枯口
噤口眼喎斜風眩頭痛血風心神驚悸癲狂骨節風
血風走注瘙痒癩疹風痰諸證雖各有方論亦要先
明其大體察脉之虛實辨證之冷熱相人強弱入臟
入腑在絡在經首以方調治末要猛速用藥今之治
法先宜順氣然後治風萬不失一蓋有中風中寒中
暈中痰中氣皆能令人涎潮昏塞所謂朱紫相凌玉
石不分醫者不可不詳而究之如中風若作中氣治
之十愈八九中氣若作中風治之十無一生所以疑

惑之間不問中風中氣首以蘇合香丸五積散加麝
煎如中痰則有參蘇飲如中寒則有理中湯如中暈
則有白虎湯如的然是中風有三生飲木香煮散排
風續命風引大小竹瀝大八風湯辨其冷熱虛實而
投之未有不安者也然此疾積襲之久非一日所能
致今人服藥三五服便責無効其責醫者亦速矣正
宜大劑久服方有其効孟子曰七年之病求三年之
艾也 大夫中風者虛風中於人也風是四時八方
之氣常以冬至之日自坎而起候其八方之風從其
鄉來者主長養萬物若不從其鄉來者名為虛賊風

害萬物人體虛者則中之當時雖不卽發停在肌膚
後或重傷於風前後重昏因體虛則發入臟腑俞俞
皆在背中風多從俞入隨所中之俞而乃發病婦人
血氣虛損故令中風也當察口眼開闔以別重輕涎
沫有無以明證治如眼開口閉手足不開涎不作聲
者可治如眼閉口開聲如鼾睡遺尿不覺者死 按
卒什暴厥之證不論男子婦人是風是寒是氣是食
是痰是濕但要分得閉與脫二證明白如牙關緊閉
兩手握固卽是閉證宜蘇合香丸三生飲之類開之
若口開手撒卽是脫證宜用大劑黃芪人參煎濃湯

灌之雖曰在法不治亦十救五六若誤服蘇合香丸之類卽不可救矣蓋斬關奪門之藥原為閉證設若施之脫證是人既入井而又下之石也

薛中風者卽內經所謂偏枯風痲風懿風痺是也而有中腑中臟中血脉之分焉夫中腑者為在表中臟者為在裏中血脉者為在中在表者宜微汗在裏者宜微下在中者宜調榮中腑者多著四肢如手足拘急不仁惡風寒此數者病淺皆易治用加減續命湯之類中臟者多滯九竅如眼瞽者中于肝舌不能言者中于心唇緩便秘者中于脾鼻塞者中于肺耳聾

者中于腎此數者病深多難治中血脈者外無六經
之證內無便溺之阻肢不能舉口不能言用大秦芩
湯主之中腑者多兼中臟如左關脈浮弦面目青左
脇偏痛筋脈拘急目瞶頭目眩手足不收坐踞不得
此中膽兼中肝也用犀角散之類如左寸脈浮洪面
舌赤汗多惡風心神顛倒言語蹇澁舌強口乾忪悸
恍惚此中小腸兼中心也用麻黃散之類如右關脈
浮緩或浮大面唇黃汗多惡風口喎語澀身重怠惰
嗜卧肌膚不仁皮肉瞶動腹膨不食此中胃兼中脾
也用防風散之類如右寸脈浮濇而短面色白鼻流

清涕多喘胸中冒悶短氣自汗聲嘶四肢痿弱此中
大腸兼中肺也用五味子湯之類如左尺脉浮滑面
目黧黑腰脊痛引小腹不能俛仰兩耳虛鳴骨節疼
痛足痿善恐此中膀胱兼中腎也用獨活散之類此
皆言真中風也而有氣血之分焉蓋氣虛而中者由
元氣虛而賊風襲之則右手足不仁用六君子湯加
釣藤薑汁竹瀝血虛而中者由陰血虛而賊風襲之
則左手足不仁用四物湯加釣藤竹瀝薑汁氣血俱
虛而中者則左右手足皆不仁也用八珍湯加釣藤
薑汁竹瀝其與中風相類者則有中寒中濕中火中

氣食厥勞傷房勞等證如中於寒者謂冬月卒中之
氣昏冒口噤肢攣惡寒脉浮緊用麻黃桂枝理中湯
之類中於暑者謂夏月卒冒炎暑昏冒痿厥吐瀉喘
滿用十味香薷飲之類中於濕者丹溪所謂東南之
人多因濕土生痰痰生熱熱生風也用清燥湯之類
加竹瀝薑汁中於火者河間所謂非肝木之風內中
六淫之邪外侵良由五志過極火盛水衰熱氣拂鬱
昏冒而卒仆也用六味丸四君子獨參湯之類內有
恚怒傷肝火動上炎者用柴胡湯之類中於氣者由
七情過極氣厥昏冒或牙關緊急用蘇合香丸之類

誤作風治者死食厥者過於飲食胃氣自傷不能運
 化故昏冒也用六君子加木香勞傷者過於勞役耗
 損元氣脾胃虛衰不任風寒故昏冒也用補中益氣
 湯房勞者因腎虛精耗氣不歸源故昏冒也用六味
 丸此皆類中風者也夫內經主於風河間主於火東
 垣主於氣丹溪主於濕愚之斯論僭補前人之闕也
 若夫地之南北人之虛實固有不同其男子女人大
 略相似當與後論參看通變治之

內方並見
雜病中風

斬閣

老夫人先胸脇脹痛後四肢不收自汗如水小便自

遺大便不實口緊目閉飲食頗進十餘日矣或以為

中臟公甚憂余曰非也若風既中臟真氣既脫惡證
既一禍在反掌焉能延之乃候其色面目俱赤面時
或青診其脉左三部洪數惟肝尤甚余曰胸乳脹痛
肝經血虛肝氣痞塞也四肢不收肝經血虛不能養
筋也自汗不止肝經風熱津液妄泄也小便自遺肝
經熱甚陰挺失職也大便秘不實肝木熾盛剋脾土也
遂用犀角散四劑諸證頓愈又用加味道遙散調理
而安後因鬱怒前證復作兼發熱嘔吐飲食少思月
經不止此木盛剋土而脾不能攝血也用加味歸脾
湯為主佐以加味道遙散調補肝脾之氣清和肝脾

之血而愈後每遇怒或睡中手足抽搐復用前藥卽愈
大叅朱雲溪母於九月內忽仆地痰昧不省人
事唇口喎斜左目緊小或用痰血之劑其勢稍緩至
次年四月初其病復作仍進前藥勢亦漸緩至六月
終病乃大作小便自遺或謂風中於臟以爲不治余
診之左關弦洪而數此屬肝火血燥也遂用六味丸
加五味子麥門芎歸一劑而飲食頓進小便頓調隨
用補中益氣加茯苓山梔釣藤丹皮而安至十月復
以傷食腹痛作瀉左目仍小兩關尺脉弦洪鼓指余
以六君加木香吳茱升麻柴胡一劑而痛瀉俱緩復

以六君加肉果故紙一劑諸脉頓平痛瀉俱止余謂
左關弦洪由肝火血燥故左目緊小右關弦洪由肝
邪乘脾故唇口喎邪腹痛作瀉二尺鼓指由元氣下
陷設以目緊口喎誤作風中投以風藥以腹痛泄瀉
誤作積滯投以峻劑復耗元氣為害甚矣後以陽虛
惡寒圍火過熱致痰喘誤服寒劑而卒 一婦人因
怒什地語言謇澁口眼喎斜四肢拘急汗出遺尿六
脉洪大肝脉尤甚皆由肝火熾盛蓋肝主小便因熱
甚而自一也用加味逍遙散加鈞藤及六味丸尋愈
一老婦兩臂不遂語言謇澁服祛風之藥反致筋

變膏痛余謂此肝火血虛所致用八珍湯補氣血用

地黃丸補腎水佐以排風湯年餘而愈 一婦人經

行口眼歪斜痰涎壅盛此血虛而肝火動用加味道

遙散加丹皮治之尋愈後因飲食停滯日吐痰涎此

脾氣虛不能攝涎歸經也用六君子二十餘劑而安

一婦人因怒口眼喎斜痰涎上涌口噤發搐此脾

肺氣虛而肝木旺用六君子加木香鈞藤柴胡治之

漸愈又用加味歸脾湯調理而安 一產婦勤於女

工忽仆地牙關緊急痰喘氣粗四肢不遂此氣血虛

而發瘳朝用補中益氣加茯苓半夏夕用八珍加半

夏各三十餘劑不應此氣血之未復藥之未及也仍
用前二湯又五十餘劑尋愈 一婦人素性急患肝
風之證常服搜風順氣丸秦芫湯之類後因大怒吐
血唇口牽緊小便頻數或時自遺余以為肝火旺而
血妄行遂用小柴胡湯加山梔牡丹皮漸愈五年之
後又大怒吐血誤服降火祛風化痰之劑大便頻數
胸滿少食用清氣化痰之劑嘔而不食頭暈口乾不
時吐痰用導痰降火之類痰出如涌四肢常冷余曰
嘔而不食胃氣虛弱也頭暈口乾中氣不能上升也
痰出如涌脾氣不能攝涎也四肢逆冷脾氣不能運

行也用補中益氣加茯苓半夏治之諸證漸愈又用
加味歸脾湯兼服而安 陳癸丑春有一婦人年四
十二三其證語言氣短足弱行得數步則口若含霜
七十日內三次經行則口冷頭目眩暈足冷則透心
冷痛每行則口中冷氣不相續有時鼻中熱面赤翁
然而熱身體不仁不能行步手足不隨不能俛仰冷
痺骨疼有時悲傷夢與前夫相隨則上氣奄然而極
心驚志意不定恍惚多忘却能食如此僅一年許醫
者投熱藥則面翁然而熱氣滿胸中咽中窒塞悶絕
投冷藥則瀉又一醫者以十全湯服之則發煩躁心

驚而跳一醫以雙和湯服之覺面上與腹中如火譫
心愈驚欲吐不吐大便秘裏急後重求僕診之六脉
弦緩喜見於春此是可治之疾未供藥間忽然吐瀉
瀉後覺肛門如火雖瀉却不多僕且與俞山人降氣
湯入服次日診之脉差有力云服藥後覺鼻熱心煩
悶齒痛與參蘇飲八服黃連圓壹兩越三日云服藥
後如故與茯苓補心湯服皆無効僕以脉證詳之只
是排風湯甚對或曰何以知之一能食飲此風飢也
二七十日三次經行此是榮經有風血得風散也三
頭目眩暈此肝風也四面赤翕然而熱悲傷此心風

也五身體不仁不能行步夢與前夫相隨此脾風也
六手足不隨腰痛難俛仰冷痺骨疼此腎風也因令
人心驚恍忽多忘真排風湯證也或曰風氣當浮今
脈弦緩微弱恐非風也予曰風無一定之脈大抵此
證虛腎生風然排風湯藥品有十全大補湯料亦有
平補之資却不僭燥供十服越三日云服有效脈亦
差勝只是腹中如烟生微熱大便秘此真是風證再
與排風湯服加牛黃清心丸皂角圓助之越三日云
服前藥大煩躁發熱諸證悉除只是足弱不能支時
與秘傳降氣湯十服諸證悉退只是夢裏虛驚大便秘

泄瀉數脉尚弱與五積散加人參藹煎蕪感應丸
即愈但頭眩痛重不能久立久坐再與排風湯脫然
而安矣 繆安人年六十忽中風不省人事無汗有
痰衆醫為不可治召僕診之脉浮緩脾脉溢關此真
風脉先以參蘇飲六服寬氣下痰次以木香煮散而
愈 馬觀文夫人於七月間病氣弱倦怠四肢厥逆
惡寒有汗少飲食一醫謂伏暑一醫謂虛寒治皆無
效召僕診之六脉雖弱而兩關差甚焉問是何證僕
曰六脉雖弱而關獨甚此中焦寒也中焦脾也脾胃
既寒不但有此證必有腹痛吐瀉今四肢厥冷脾屬

四肢是脾胃虛冷無疑焉曰未見腹痛吐瀉之證合
用何治僕曰宜附子理中湯未服藥間旋即腹痛而
瀉莫不神之即投此藥而瘥

防風散 治婦人中風言語蹇澁四肢拘急身體壯

熱頭疼目眩心胸不利

防風 去芦 一兩

石膏 二兩 半

麻黃 去節

漢防己 去皮各 七升半 細辛 去苗

黃芩

川升麻

當歸 去芦

桂心

芎藭

赤茯苓 去皮

甘草 炙

羌活 去芦 各 半兩

右為麤散每服八錢水一中盞半煎至一大盞去

滓入淡竹瀝一合更煎一兩沸溫服不拘時

芎藭散 治婦人卒中風四肢不仁善笑不息

芎藭 一兩半

石膏 二兩半

當歸 去蘆炒

麻黃 去節

秦艽 去芦

乾薑 炮

桂心 各一兩

杏仁 二拾枚 麸炒

黃芩 一兩

右為麤末每服八錢水一中盞半煎至一大盞去

滓溫服不拘時候日進二三服

附子散 治婦人中風筋脉拘急四肢疼痛言語謇

澁心胸不利

附子炮去皮臍

細辛各七半

當歸去芦炒

芎藭

前胡去蘆

枳殼炒去瓢

黃芩

白鮮皮

茯神去木

羌活去蘆

杏仁炒

漢防已去皮

甘草炙

麻黃去節

桂心各一兩

右為麤末每服五錢水一中盞半生薑五片煎至

一大盞去滓不拘時溫服

羌活散

治婦人中風筋脉拘急肢節痠疼言語蹇

澁頭目不利

羌活去芦

天麻各一兩

芎藭

酸棗仁各七蔓荊子

白附子炮

栝子仁

半膝酒浸

桂心

薏苡仁

當歸去

麝羊角屑

烏蛇肉

酒拌炒蟬殼炒各

麝香另研一

為細末入研麝香勻每服一錢苴淋酒調下無時

南星散 治婦人中風牙關緊急四肢強直心胸痰

涎咽膈不利

天南星生薑製麻黃

半夏湯洗七

赤箭各半兩

川烏頭炮去

桂心

蝎各二

麝香半

細末入研麝香令勻每服一錢豆淋酒調下日進
二服不拘時候

木香煮散 治左癱右瘓并素有風濕諸藥不効當

服調氣進食寬中

羌活

麻黃

去節各一兩

防風

七手半

白朮

陳皮

黑附子炮

南木香

檳榔

牛膝

大川烏

炮

草豆蔻

連皮煨

杏仁

去皮麩炒

人參

白茯苓

川芎

當歸

甘草

桂心

各半

右咬咀每服四錢水一大盞半生薑五片煎至八
分去滓熱服大便不通加大黃心腹脹加苦葶藶
滑石膈上壅滯咳嗽氣促加半夏川升麻天門冬
知母

右古方專主婦人中風故收之率用麻黃桂心非
真中外邪不宜輕用只以薛氏法調之為善其餘
證治方藥詳見雜病本門男婦初無二治也

角弓反張 因夫婦人角弓反張者是體虛受風風入
諸陽之經人之陰陽經絡周環於身風乘虛入於諸
陽之經則腰背反折攣急如角弓之狀宜服小續命

湯 **薛仲景**先生云太陽病發汗太多致瘧風病下

之則瘧三因方云氣血內虛風寒濕熱所中則瘧以

風能散氣故有汗而不惡寒曰柔瘧寒能澀血故無

汗而惡寒曰剛瘧非專於風濕因內虛發汗亡血筋

無所榮而然乃虛象也竊謂傷寒汗下過度與產婦

潰瘍等病及因剋伐之劑傷損氣血而變若金衰木

旺先用瀉青丸切科後用異功散切科腎水虛用六

味丸雜病肝火旺先用加味小柴胡湯熱入次用加

味四物湯發熱用加味道遙散若木侮脾土用補中

益氣湯雜病傷加芍藥山梔脾經鬱結用加味歸脾

湯雜病健忘脾土濕執用大承氣湯

傷寒胃實大凡病後氣血

虛弱用參朮濃煎佐以薑汁竹瀝時時用之如不應

用十全大補湯雜病虛勞更不應加附子或用參附湯緩

則不救人參壹兩附子貳錢水煎服

白僵蠶散 治婦人中風角弓反張口噤不能言皮

膚頑麻筋脉抽掣

白殭蠶壹兩炒麝香貳錢半另研烏蛇肉炒令黃

蟬殼炒桑螵蛸炒犀角屑

天麻 獨活去蘆 天南星炮

川烏頭炮去皮臍 白附子炮 硃砂另研水飛

川烏頭炮去皮臍 白附子炮 硃砂另研水飛

川烏頭炮去皮臍 白附子炮 硃砂另研水飛

防風

去蘆各半兩

右為細末入研藥令勻每服二錢溫酒調下不拘

時日三服

麝羊角散

治婦人中風角弓反張筋脉拘急言語

審澀心神煩悶

麝羊角

屑

鹿角膠

搗碎炒令黃燥

赤箭

酸棗仁

炒

薏苡仁

各壹兩

白附子

炮

芎藭

當歸

炒去蘆

人參

去蘆各半錢

羌活

去蘆

白鮮皮

地骨皮

栝子仁

蔓荊子

犀角屑

各半兩

牛黃 另研

麝香 各貳錢半 另研

右為細末入研藥令勻每服一錢煎薄荷湯調下

日進三服無時

紫湯 治婦人中風腰脊反張如弓之狀

雞糞白 壹合炒 微黃 大荳 貳合 炒熟

防風 壹兩 去蘆

右為麤末每服五錢酒水各一中盞煎至六分去

滓溫服不拘時候

烏蛇丸 治婦人中風角弓反張或身體強直牙關

緊急

烏蛇肉 酒浸

犀角屑

白附子 炮

天麻

各壹兩

半夏

湯洗柒遍
生薑製

天南星

炮

麻黃

去節

桂心

獨活

去蘆

白僵蠶

炒

晚蠶沙

炒

乾蝎

微炒
各半兩

麝香

貳錢半
另細研

右為細末入研麝令勻煉蜜和搗二三百下丸如

梧桐子大每服三十九豆淋酒送下日二服無時

餘並詳雜病瘧門

口天婦人中風口噤者是體虛受風風入頷頰夾

口之筋也手三陽之筋結入於頷頰足陽明之筋土

夾於口而風挾冷乘虛入其筋則筋攣故引牙關急

而口噤也 薛前證若風邪客於手足陽明經口眼

喎斜用秦艽升麻湯雜病中風若風熱傷氣用省風湯雜病

中風當與後方同用 一婦人因怒經事淋瀝半月方

竭遇怒其經即至甚則口噤筋攣鼻衄頭痛痰瘈搐

搦瞳子上視此肝火熾甚以小柴胡湯傷寒少陽加熟地

山梔釣藤治之後不復發 一婦人素陰虛患遍身

瘙痒誤服祛風之藥口噤抽搐肝脉洪數余曰肝血

為陰為水肝氣為陽為火此乃肝經血虛火盛耳宜

助陰血抑肝火用四物麥門五味子柴胡山梔生甘

草熱搐頓止又以八珍黃芪麥門五味釣藤炙草調

理而痊

天南星散 治婦人中風口噤四肢拘急或痰氣壅

天南星 薑汁炒黃

白附子 炮

黑附子 炮

烏蛇肉 酒炙

全蝎 炒等分

右為細末每服半錢以生薑汁温酒調不拘時拗

開口灌之

走馬散 治婦人中風口噤四肢強直

附子 炮去皮臍

天麻 各半兩

桂心

石膏 研如麵

麻黃 去節

川烏頭 炮去皮臍

天南星 炮

蝎稍 各貳錢半

麝 另細研半錢

右為細末入麝香研令勻每服二錢豆淋酒調下不拘時幹開口灌之

烏蛇散 治婦人中風口噤

烏蛇肉

酒浸

乾蝎

炒

白僵蠶

炒

天南星

炮

天麻

各半兩

臙粉

半錢另研

右為細末入臙粉研勻每服二錢生薑酒調下幹

開口灌之

白朮酒 治婦人中風口噤言語不得

白朮

剉

黑豆

各叁兩炒熟

右以酒四升煎至二升去滓分四服幹開口灌之

治婦人中風口噤舌本縮語言難

芥子壹升細研以醋三升煎至一升塗頰頷下効

巢氏論曰腭脉絡胃夾咽連舌本散舌下心之
別脉系舌本今心脾二臟受風邪故舌強不得語也
喉嚨者氣之所以上下也會厭者音聲之戶舌者聲
之機唇者聲之扇風寒客於會厭之間故卒然無音
昔由風邪所傷故謂之中風失音不語經云醉卧當
風使人發瘖不能言也 醉前證若因痰迷心竅當
清心火若因濕痰舌強當清腭熱若因風熱牙關緊
急當清肝火若因風痰塞喉當導痰涎若因虛火上

滓温服

竹瀝湯 治中風入肝脾經年四肢不遂舌強語謇

葳靈仙

附子炮

苦梗

蔓荆子

防風

枳殼去穢
蘇炒

川芎

當歸各等分

右咬咀每服肆錢水壹盞竹瀝半盞薑叁片煎至
捌分温服一日四服忌茶

地黃飲子等方詳雜病本門

風痺手足不隨 夫婦人風痺者由風寒濕三氣合而

為痺風多者為風痺其狀肌膚盡痛諸陽之經皆起

於手足而循行於身體風寒之氣客於肌膚始為痺
傷陽經隨其虛處而停滯與血氣相搏血氣行則
緩故風痺而復手足不隨也 薛經云邪之所湊

其氣必虛前證若風邪淫旺或怒動肝火血燥筋攣
用加味逍遙散脾肺氣虛肌膚不仁手足麻木用三
痺湯若腎水虧損不能滋養筋骨或肝脾血虛而筋
痿痺用六味丸服燥藥而筋攣者用四物生甘艸氣
血俱虛用八珍湯何醫林集要等方新刊丹溪心法
附錄云若人大拇指麻木不仁或手足少力或肌肉
微掣三年內心有大風之證宜先服八風湯天麻丸

炎當在水之主若因氣虛厥逆當益火之源若因腎
虛舌瘖而不語當補腎氣 一婦人因怒仆地痰湧

不語灌牛黃清心丸稍甦用神仙解語湯加山梔柴
胡桔梗漸愈又用六君柴胡山梔枳殼而痊 一婦
人忽然不語半年矣諸藥不應兩尺乎數先用六味
丸料加肉桂數劑稍愈乃以地黃飲子二十餘劑而
痊男子多有此證亦以此藥治之

諸方並見
雜證中風

神仙解語丹 治心脾經受風言語謇澁舌強不轉

涎唾溢盛及療淫邪搏陰神內鬱塞心脉閉滯暴

不能言

白附子 炮

石菖蒲 去毛

遠志 去心甘草水煮十沸

天麻

全蝎 酒炒

羌活

白僵蠶 炒

南星 牛只煨各壹兩 木香 兩

右為細末水煮麴糊丸如梧桐子大量入辰砂為衣每服貳拾丸至叁拾丸生薄荷湯吞下無時

防風湯 治中風內虛脚弱語蹇

右斛 壹兩半酒炒

乾地黄

杜仲 去粗及切薑汁炒

丹參 各壹兩貳錢半

防風

川芎

麥門冬 去心

桂心

川獨活 各壹兩

一右咬咀每服五錢水壹盞半棗

一枚煎至捌分去

防風通聖散以預防之殊不知河間云風者病之末也所以中風有癱瘓者非謂肝木之風內中亦非六淫風邪外襲良由五志過極心火熾盛腎水虛衰不能制之則陰虛陽實而熱氣怫鬱心神昏憤筋骨無用而卒倒無知也治當以固元氣為主若遽服八風等藥則反傷元氣適足以招風取中一婦人因怒吐痰胸滿服二陳順氣化痰之劑半身不遂內熱口乾形氣殊倦余視之乃肝火熾盛而侮脾土也用逍遙散補中益氣湯六味地黄丸喜其慎疾年餘而愈

一婦婦胸脇脹痛內熱晡熱月經不調肢體痠麻

不時吐痰或用清氣化痰藥喉間不利白帶腹脹又
用清熱理氣藥胸膈不寬肢體時麻余曰此本鬱怒
傷肝脾前藥傷甚耳朝用歸脾湯以解鬱結生脾氣
夕用加味逍遙散以生肝血清肝火百餘劑而愈後
因怒肢體復麻用補中益氣加山梔茯苓半夏而痊
後復怒病再作月經如注脉浮洪而數此肝火傷脾
不能攝血所致也用六君芎歸炮薑一劑而血止用
補中益氣加炮薑茯苓半夏四劑而胃醒更用歸脾
湯逍遙散調理而痊人一婦人頭暈吐痰用化痰理
氣藥肢體或麻服祛風化痰藥肢體常麻手足或冷

或熱此脾土虛而不能生肺金用補中益氣加茯苓
半夏炮薑二十餘劑脾氣漸復諸證稍愈更用加味
逍遙散三十餘劑而愈後因怒吐痰自服清氣化痰
丸飲食不進吐痰甚多胸脇脹滿余用六君子倍加
參朮少加木香數劑而康

三痺湯 治血氣凝滯手足拘攣風痺氣痺等疾

川續斷

杜仲

剉薑汁炒去絲

防風

去蘆

桂心

華陰細辛

人參

去蘆

白茯苓

去皮

當歸

去蘆

白芍藥

甘草

各壹兩炙

秦艽

去蘆

生地黄

川芎

川獨活

各半兩
去蘆

黃芪

去蘆

川牛膝

酒浸各
壹兩

右咬咀或為末每服捌錢水貳盞生薑伍片棗壹枚煎至壹盞去滓熱服無時候但腹稍空服有人病左臂不隨後已痊平而手指不便無力試諸藥不効服此藥一料而愈

獨活湯

治婦人風痺手足不隨身體疼痛言語蹇澁筋脉拘急並宜服之

澁筋脉拘急並宜服之

獨活

去蘆

桑寄生

牛膝

酒浸

秦艽

去蘆

赤茯苓

去皮

桂心

防風去芦

附子炮去皮

當歸去

生乾地黄各一兩

杜仲剉炒去絲

細辛去苗

芎藭

赤芍藥各七

甘草炙半

右為咬咀每服捌錢水一中盞半煎至一大盞去

滓温服無時

烏蛇散 治婦人風痺手足頑麻筋脉搐搦口眼不

正言語謇澁

烏蛇肉酒拌炒

土蜂兒炒

天南星炮

天雄炮去皮臍

赤箭

麻黃去節

薏苡仁

芎藭各一兩

羚羊角屑

乾薑微炒

桑螵蛸微炒

桂心

朱砂研水飛 各半兩

當歸炒去 苦

酸棗仁炒

栝子仁各七 各半

右為細末入硃砂藥研勻每服一錢食前溫酒調下

東垣羌活湯 治濕熱身重或眩暈麻木小便赤澀

下焦痿軟不能行履

羌活

防風

柴胡各一

藁本

獨活

茯苓

澤瀉

豬苓

黃芪炒

甘草炙

陳皮

黃蘗酒炒 黑

黃連炒

蒼朮

升麻

川芎各分

右水煎服

甘草附子湯

治風濕相搏骨節煩疼不時抽痛不

能伸屈抑之則痛劇汗出短氣小便不利惡風不

欲去衣或微腫痛

甘草炙一兩

附子一枚重一兩三四錢者方是炮去皮尖不真不切

白朮炒一兩

桂枝二兩

右每服伍錢水煎

八珍湯

治肝脾氣血俱虛不能養筋以致筋攣骨

痛或不能行履或發熱晡熱寒熱往來等證

加味逍遙散 治肝經風熱血燥筋攣肢體不遂內

熱晡熱等證入珍方見雜病虛勞本方見本科調經

自汗藥隱老人云尋古治中風方續命排風越婢等
悉能除去而千金多用麻黃令人不得慮虛凡以風
邪不得汗則不能泄也然此治中風無汗者為宜若
治自汗者更用麻黃則津液轉使脫泄反為大害中
風自汗伸景雖處以桂枝湯至於不住發搐口眼瞤
動暈汗出者豈勝對治當此之時獨活湯續命煮
散復榮衛却風邪不可闕也 詳前證若腠理不固
而自汗者用桂枝湯或防風白朮牡蠣湯若過服風

藥而自汗者用白朮防風湯若陽氣虛弱而自汗者
用芪附湯若兼盜汗用補中益氣湯送六味丸如不
應用當歸六黃湯

獨活湯 治風虛昏憤不自知覺手足痠癢坐臥不
能或發寒熱血虛不能服發汗藥及中風自汗尤
宜服之

川獨活

羌活

人參

防風

當歸

細辛

茯神

去木

半夏

湯洗柒次切片子

桂心

白薇

遠志

去心

菖蒲

川芎 各半

甘草 半錢

石咬咀每服捌錢水壹盞半薑伍片煎柒分去滓
温服不拘時候

續命煮散 治風氣留滯心中昏憤四肢無力口眼

睵動有時搐搦亡失津液渴欲引飲此能扶榮衛

去虛風中風自汗及產後中風自汗尤宜服

防風

獨活

當歸

人參

細辛

葛根

芍藥

川芎

甘草

熟地黄

半夏

遠志 去心

荆芥穗各半

心耗承

右咬咀每服伍錢不一盃生薑三大片煎至柒分

去滓温服不拘時汗多不止者加牡蠣粉一分半

補遺防風白朮牡蠣散 治中風自汗不止

白朮

牡蠣煨

防風各等

為末酒調下米飲亦可日三服汗即止如不止可

服黃芪建中湯

正

賊風偏枯藥隱老人云偏枯者其狀半身不隨肌肉

枯瘦骨間疼痛神智如常名曰偏枯也原其疾之由

皆因陰陽偏虧臟腑怯弱經絡空虛血氣不足當風

衝坐風邪乘虛而入內經云汗出偏沮使人偏枯詳其義理如樹木或有一邊津液不蔭注而先枯槁然後被風所害人之身體或有一邊血氣不能榮養而先枯槁然後被風所苦其理顯然王子享云舟行於水人處於風水能泛舟而亦能覆舟風能養體而亦能害體蓋謂船漏水入體漏風傷古人有云醫風先醫血血行風自滅是也治之先宜養血然後驅風無不愈者宜用大八風湯增損茵芋酒續斷湯 因賊風偏枯者是體偏虛受風風客於半身也人有勞傷血氣半身偏虛者風乘虛入客於半體名爲偏風也

其風邪入深真氣去邪氣留發爲偏枯此由血氣衰
損爲風所客令血氣不相周榮於肌故令偏枯也

麗醫風先醫血此論得之大抵此證多因胎前產後
失於調養以致精血乾涸肝木枯槁治法當滋其化
源考之生氣通天論曰風客淫氣精乃亡邪傷肝也
陰陽應象大論曰風氣通於肝風搏則熱盛熱盛則
水乾水乾則氣不榮故精乃亾此風病之所由作也
一婦人性善怒常自汗月經先期余以爲肝火血
熱不信乃汎用降火之劑反致月經過期復因勞怒
口噤呻吟肢體不遂六脉洪大面目赤色用八珍麥

門五味子山梔丹皮數劑漸愈兼用逍遙散六味丸各三十餘劑全愈

大八風湯 治中風偏枯失音半身不隨時復恍惚

當歸 去芦

杏仁 熬炒

甘艸 炙

桂心

乾薑 炮各二兩

五味子

升麻 各半兩

川烏頭 炮去皮臍

黃芩

芍藥

獨活

防風 各去苦

川芎

麻黃 去節

秦茺

人參 各去苦

石斛 去根切酒浸炒

茯神 去木

石膏

黃耆 法酒

紫苑 各一兩

大豆

三兩去皮炒

右為咬咀每服伍錢水二盞酒一合煎至一盞去

滓溫服恍惚者不用酒煎一方無茯苓神有遠志

赤茯苓

增損茵芋酒 治半身不遂肌肉乾燥漸漸細瘦或

時疴痛病名偏枯

茵芋葉

川烏頭

炮去皮尖

石楠葉

防風

川椒

炒出汗

女萎

附子

炮

北細辛

獨活

卷栢

肉桂

天雄

炮去皮

秦芫

防已各一兩

躑躅花炒

當歸

生乾地黄各二兩

芍藥二兩

右以咀酒二斗漬之冬七日夏三日春秋各五日

初服一合漸增之以知為度令酒氣相續

續斷湯 治偏枯少血

當歸三兩 去芦

陳皮去白

芍藥

細辛各一兩 去苗

生乾地黄二兩

右以咀每服伍錢水二盞煎至捌分去滓温服臍

寒多利者入熟附子一兩和前藥服之

補遺全生虎骨散 治半身不遂肌肉乾瘦忌用麻

黃發汗恐津液枯竭惟
潤筋養血消風

當歸二兩

赤芍藥

續斷酒浸炒

白朮

藁朮

虎骨炙各伍兩

烏蛇肉炙半兩

右為末每服二錢酒調

骨痛加生地一兩自利

加天麻半兩

虎脛骨酒

治中風偏枯

四肢不隨一切風痺筋脉

變拳

石斛

石楠

法

防風

虎脛骨炙

當歸

茵芋葉

杜仲酒炒

牛膝浸

續斷酒浸

芎藭

巴戟心

狗脊去毛各一兩

右以絹囊盛藥用酒一斗漬拾日每服一盞溫飲

偏風口喎

夫婦人偏風口喎者是體虛受風風入於

夾口之筋也足陽明之筋上夾於口其筋偏虛風因

虛而乘之使其筋偏急不調故令口喎僻也 **薛一**

婦人懷抱鬱結筋攣骨痛眩暈似有一核服烏藥順

氣等藥口眼歪斜臂難伸血痰涎愈多內熱晡熱食

少體倦余以為鬱火傷脾血燥生風用加味歸脾湯

二十劑形體漸健飲食漸進又用加味逍遙散

劑煎熟少退喉核少消更用升陽益胃湯數劑諸證
漸愈但臂不能伸此肝經血少而筋攣耳用六味地
黃丸以滋腎水生肝血而愈

防風湯 治卒然口喎斜言語牽急

防風 去芦 一两

羌活 去芦 半两

甘草 二錢 半炙

右為咬咀每服伍錢水二盞煎至一盞去滓入麝

香研一字温服

深師續命湯 療中風口僻噤諸疾卒死不知人補

虚起死神方

人參

防已

麻黃 去根節

芍藥

川芎

甘草

黃芩

白朮

桂心

附子炮

防風各一兩

生薑

右切以水一斗二升煮取三升分為三服不差更

作忌海藻菘菜桃李葱生菜雀肉猪肉

防風散 治婦人中風言語蹇澁肢節疼痛皮膚不

仁

防風

羌活

當歸

天南星炮

天麻

桂心

芎藭

烏蛇肉

白殭蠶炒

各去芦

去苗炒

酒浸

桑標蜻炒各半兩

麝香研

朱砂細研化飛各二承半

麻黃七承半去根節

為細末入研藥令勻每服壹錢溫酒調下不拘時

千金方

炒大豆叁升合燹以酒叁升淋取汁頓服

治口眼喎斜

用草蓆子米粒去皮研細作餅子安在手心右喎安左

手左喎却用銅盃乘湯坐於藥上纔正即洗去

已豆不用草
蓆出本草

風

風

風

風

風

風

風

風

風

風

風

飛尸血厥

夫飛尸者遊走皮膚穿臟腑每發刺痛變作無常遁尸者附骨入肉攻鑿血脉每發不可得近見尸喪聞哀哭便發風尸者淫濯四肢不知痛之所在每發昏沉得風雪便作沉尸者纏骨結臟衝心脇每發絞切遇寒冷便作注尸者舉身沉重精神錯亂常覺昏發每節氣至變輒成六息皆宜用忍冬葉剉數斛煮令濃取汁煎之服如鷄子大日三服人平居無疾苦忽如死人身不動搖默默不知人目閉不能開口噤不能言或微知人惡聞人聲但如眩

冒移時方寤此由汗過多血少氣併於血陽獨上而
 不下氣壅塞而不行故身如死氣過血還陰陽復通
 故移時方寤名曰鬱冒亦名血厥婦人多有之宜服
 白薇湯倉公散

丹溪云凡人忽手足逆冷肌膚起如米粒頭面青黑

精神恍惚或錯言妄語或牙關緊急或昏寐仆倒男

死間喪入廟登墓多有此病先以蘇合香丸灌之次

服調氣散雜病中氣平胃散雜病中食玉機微義云卒厥飛尸

客忤鬼擊口噤用麻黃湯傷寒太陽寒厥表熱裏寒則逆

可清穀食入則吐脉沉手足冷用四逆湯傷寒厥熱厥

腹滿身重難轉面垢譫語遺溺手足厥冷自汗脉沉

消用白虎湯

雜病發熱

錦衣楊求與舉家避旨有僕沉

醉失避者既而神思昏昧遍身青傷各煎金銀藤即

蕪湯灌之愈

一婦人忽昏憤發譫語自云為前謀

賴某人銀兩某神責我將你起解往城隍理問兩脚

踝膝髻處皆青腫痛不可忍口稱苦楚次日方甦痛

尚不止用金銀藤兩許水煎服即愈

一婦人入古

墓患前證以紫金錠磨汁灌之即甦通政余子華太

常汪用之皆因往吊而卒死喪家想即是證也

太乙神精丹

方見雜

蘇合香丸

方見雜病卒中

雄硃散 方見雜病譚妄

白薇湯

白薇

當歸 各一兩

人參 半兩

甘州 二系半

右咬咀每服伍錢水二盃煎至一盃温服

倉公散 治卒鬼擊鬼疰鬼刺心腹如刺下血即死

不知人及卧魘齒脚趾不覺者并諸毒氣等疾

瓜蒂末 左篇衛生方無瓜蒂末有皂角末

梨蘆末

雄黃 研

礬石 煨研各等分

右為細末研停用少許吹入鼻中得嚏氣通便活

未嚏再吹以得嚏為度此藥能起死人恐皂角者為正

補遺內鼻散 治尸厥脉動而無氣氣閉不通靜面

若歿名卒厥

石菖蒲去毛為末

右每用二字內鼻中吹之令人仍以桂末安舌下

硫黃散 治尸厥奄然死去四肢厥冷不省人事腹

中氣走如雷鳴

焰硝半兩

硫黃一兩

右細研分三服酒調灌下如人行五里又進一服

不過三服即甦

白芷 半兩

麝香 二兩

中脘 半兩

此藥治一切痧症

香薷 半兩

此藥治一切霍亂

藿香 半兩

此藥治一切嘔吐

蘇合 半兩

此藥治一切心氣

蘇合 內真精

此藥治一切風濕

為五

未便詳列以誌要